

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. उधमपुर-श्रीनगर-बारामुला रेल संपर्क परियोजना नै 5 करोड़ कोला मती ध्याड़िं दा रोजगार पैदा कीता ऐ, बारामुला-उड़ी लाइन दे सर्वे दा कम्म मुकम्मल, तफसीली प्रोजेक्ट रपोर्ट बी तैयार।
2. मुखमंत्री उमर अब्दुल्ला होरें हजरतबल दरगाह श्रीनगर च द'ऊं यादगारी गेटें दा नीह पत्थर रक्खेआ।
3. मंत्री जावेद डार होरें आखेआ ऐ कि सरकार खेढ ढांचे गी आधुनिक सुविधाएं कन्नै लैस करिये बेहतर बनाने लेई अनथक जत्न करै करदी ऐ।
4. जम्मू-कश्मीर च इंडिगो दियां कोई 40 ब्हाई डोआरियां रद्द, यात्रिएं गी दिक्कत-परेशानी दा सामना।
5. जम्मू-कश्मीर गी 2025-26 ब'रे लेई एम.बी.बी.एस दियां 379 ते पी.जी दियां 118 बाद्दू सीटां लाट कीतियां गेइयां न

<><><><><><>

Rly. Minister USBRL

केंद्री मंत्री अश्विनी वैश्व होरें शुक्रवारें आखेआ जे उधमपुर-श्रीनगर-बारामुला रेल संपर्क परियोजना नै 5 करोड़ ध्याड़िं दा रोजगार पैदा कीता ऐ। आकाशवाणी दे जम्मू संवाददाता नै

जानकारी दिती ऐ जे कल राज्यसभा च जानकारी दिंदे होई आखेआ जे इस प्रोजेक्ट दी मदद कन्नै जम्मू-कश्मीर च दूर दरेडे इलाके तोड़ी संपर्क राबता ते आर्थिक गतिविधिं गी बढ़ावा थोआ ऐ। उनें आखेआ कि 272 किलोमीटर परियोजना जेड़ी हाल च गै चालू कीती गेई ऐ, कश्मीर गी रेलै राएं मुख्यै दे बाकी हिस्सें कन्नै सिद्धे जोड़ा करदी ऐ। इस परियोजना दी मदद कन्नै सेअऊ बपारिं दा उत्पाद सिद्धे बड्डे-बड्डे बजारें तगर पुज्जै करदा ऐ। मंत्री होरें दस्सेआ जे रेल संपर्क गी घाटी दे होरनें हिस्सें तोड़ी पुजाने लेई 46 किलोमीटर बारामुला-उड़ी नमी रेल लाइन ते 188 किलोमीटर बनिहाल बारामुला रेल लाइन गी डबल करने गितै सर्वे दा कम्म मुकम्मल होई चुके दा ऐ ते इन्दे बारै तफसीली प्रोजेक्ट रिपोर्टा बी तयार करी लैतियां गेदियां न।

<><><><><><>

CM-Hazratbal

मुख्यमंत्री उमर अब्दुल्ला होरें 2 यादगारी गेट बाब-उल-सलाम ते बाब-उल नूर दा श्रीनगर दी दरगाह हजरतबल थाहर नीह पत्थर रक्खेआ। एहदा मकसद श्राइन दी विरासत गी बचाना, ढांचागत सुविधां च बाददा ते इत्थे औने आहले सैलानिं दे अनुभव गी होर बेहतर बनाना ऐ। इस मौके पर मुख्यमंत्री हुं'दे सलाहकार नासिर असलम वाणी, विधायक तनवीर सादिक ते होर दुए अफसर मौजूद हे। इनें दौनें ढांचे दा निर्माण 129 लक्ख 68 ज्हार रपे कन्नै होग। मगरा पत्रकारें कन्नै गल्ल करदे होई विधायक तनवीर सादिक होरें आखेआ
.....बाईट.....

<><><><><><>

Dar-Sports

राईबाई मंत्री जावेद अहमद डार होरें आखेआ ऐ जे सरकार खेढें आहले ढांचे गी आधुनिक सुविधाएं कन्नै लैस करा'रदी ऐ तां जे इच्छुक खडारिएं गी मदद थोई सकै। एह गल्ल उनें बारामुला च इक खेढ मैदान दे विकास लेई कम्मै गी शुरू करोआंदे होई आकखी। इसी जेएण्डके खेढ परिशद आसेआ 70 लक्ख रपे दी लागत कन्नै तयार कीता जा'रदा ऐ। इस मौके पर बोलदे होई मंत्री डार होरें जोर देइए आखेआ जे इनें खेढ मैदानें कन्नै मुकामी युवाएं गी लाह होग ते उन्दे हुनर गी निखार थहोग।

<><><><><><>

Spl Prog Announcement

आकाशवाणी जम्मू दा क्षेत्रीय समाचार एकांश अज्ज अपना 55मां स्थापना दिवस मना करदा ऐ ते इस खास मौके पर अस तुंदे लेई 30 मिन्टें दा इक बशेश कार्यक्रम प्रसारत करै करने आं। इस बशेश कार्यक्रम दा विशे होग- “क्षेत्रीय समाचार एकांश जम्मू दे 54एं बरें दा सफर” इस बशेष कार्यक्रम दा प्रसारण अज्ज दपैही साइडे 12 बजे कीता जाहग। इस कार्यक्रम च समाचार एकांश दे प्रधान रेई चुके दे अधिकारी, संपादन दे कम्मै कन्नै जुड़े दा अमला, समाचार वाचक ते ते साढ़े श्रोता, समाचार एकांश दे कम्मकाज बारै अपने बचार सांझे करडन। इस कार्यक्रम दी मेजबानी साढ़े न्यूज़ एंकर विजय बजाज आसेआ कीती जाहग। एह कार्यक्रम तुस मीडियम वेव 303 मीटर यानि 990 किलोहर्टज़ ते एफ.एम. 100.3 मैगाहर्टज़ पर सुनी सकदे ओ।

<><><><><><>

PMAY-Ramban

रामबन जिले च लोकेँ गी प्रधानमंत्री आवास योजना CPMAY तैहत बड़े मते लाह हासिल होआरदे न, उनेँगी 1 लक्ख 20 जहार या फही पहाड़ी इलाकेँ च इक लक्ख 30 जहार रपे लाभार्थिं गी सिद्दे लाह मुंतकिल हुंदे न। ग्रामीण इलाके जियां रामबन च कच्चे मकानेँ गी खत्म करना ते पक्के मकानेँ दे निर्माण गी बढ़ावा देना ऐ। इक छत मुहैया करोआने थमां मता इस जत्न तैहत साफ-सफाई, स्वच्छता ते बुनियादी जरूरतेँ तगर सभनेँ दी पुज्ज गी यकीनी बनाना ऐ। इस बारे होर मती जानकारी दिंदे होई रामबन च असिस्टेंट कमिशनर पंचैत शहराज अहमद होरेँ आखेआबाईट.....

<><><><><><>

ते हुन बाकि दिएं खबरेँ कन्नै जगमोहन शर्मा।

Indigo-Flight

जम्मू ते श्रीनगर ब्हाई अड्डे पर इंडिगो जहाज कंपनी दिएं डोआरिएं दे रद्द होने कारण सैकड़ां बद्दे यात्रिं गी बड़ी मती दिक्कतेँ दा सामना करना पेआ। मुख्य भरेँ च इंडिगो दे जहाजेँ च पाइलेटेँ दी बहाली आहले मुद्दे दे चलदे श्रीनगर थमां 13 ते जम्मू थमां 11 डोआरियां रद्द कीतियां गेइयां ते इस संकट दे चलदे कल्लै गी नो आप्रेशन डे घोशित कीता गेदा हा, यानि इस ध्याड़े कोई जहाज नेई चलोग। श्रीनगर ब्हाई अड्डे पर कल इंडिगो दियां 18 डोआरियां पुज्जनियां हियां ते 18 गै उत्थुआं डोआरी भरनी ही। इस संकट दे चलदे दिक्कत दा सामना करा'रदे यात्रिं दा आखना ऐबाईट.....

<><><><><><>

MBBS-Seats

सेहत ते परिवार कल्याण मंत्रालय नै जानकारी दिती ऐ जे राश्ट्री मेडिकल आयोग नै कल आखेआ ऐ जे जम्मू-कश्मीर गी 2025-26 आहले शैक्षणिक सत्र लेई 379 एम.बी.बी.एस ते 118 पी. जी सीटां लाट कीतियां गेइयां न। आकाशवाणी दे जम्मू संवाददाता नै जानकारी दिती ऐ जे जम्मू-कश्मीर दियां नमियां मंजूर कीती गेदियां सीटां मुल्खै च 44 नमें मेडिकल कालजें ते 11 जहार 732 एम.बी.बी.एस दिएं सीटें दे बधने दा हिस्सा ऐ। मंत्रालय नै अगगे आखेआ कि जम्मू-कश्मीर च केंद्र प्रायोजित स्कीम तैहत जिला अस्पतालें कन्नै जुड़े दे नमें मेडिकल कालेज बनाने दे कम्मै च बारामुला ते कुपवाड़ा जम्मू-कश्मीर दे आकांक्षी जिले न जेहड़े पैहल दी विनाह पर विचार करने लेई योग्य न जिसलै जे राजौरी जनजातीय जिले दी श्रेणी च औंदा ऐ।

<><><><><><>

CS-Health

मुख्य सचिव अटल डुल्लू होरें कल इक बैठक लाइयै सेहत ते मेडिकल शिक्षा मैहकमे कन्नै जुड़े दे महत्वै आहले प्रोजेक्टें दा जायजा लैता। इस दरान उनें क्रिटिकल केयर ब्लॉक्स-सी.सी.बी दी प्रगति जिनें गी प्रधानमंत्री आयुष्मान भारत सेहत ढांचागत मिशन तैहत कायम कीताजा'रदा ऐ, दा जायजा लैता। एहदे अलावा उनें इमरजेंसी कोविड रिस्पांस पैकेज II/ IHIP दे विस्तार, NCDS Laboratories/ VRDL सुविधाएं दा जायजा लैता। बैठक दरान डुल्लू होरें PM-ABHIM तैहत 800 करोड़ रपे दे प्रोजेक्टें ते ECRP-II तैहत 166 करोड़ रपे दी परियोजनाएं गी समें सिर पूरा करने लेई गलाया।

<><><><><><>

DC Udh. Stray Dog

सुप्रीम कोर्ट आसेआ जारी निर्देशों दी पालमा करदे होई उधमपुर दिएं जिला विकास कमिशनर सलोनी राय होरें कल जिला सतह दी इक बैठक सद्दी जेहदे च स्कूलें, कालेजें, सेहत इदारें ते होरनें सार्वजनिक संस्थानें दे अंदर ते आले-दोआले आवारा कुत्तें दे प्रबंधन सरबन्धी निर्देशों दी अमल-आवरी दी स्थिति दी समीक्षा कीती। बैठक दरान डी.सी होरें सरबन्धित मैहकमें गी निर्देश दिता जे ओह सभनें स्कूलें, सेहत इदारें, बस अड्डें, रेलवे स्टेशनें, खेढ परिसरें ते होरनें थाहरें दी सूचि तयार करन ते इस गल्लै गी यकीनी बनाया जा कि उत्थै लोड़चदे सुरक्षा उपाऽ कीते गेदे न कि नेई। इस बारै जानकारी देआरदे न उधमपुर थमां स्हाड़े जिला संवाददता

<><><><><><>